



**KEMENTERIAN SUMBER MANUSIA
JABATAN TENAGA KERJA SEMENANJUNG MALAYSIA**

KENYATAAN MEDIA

**ISU TULAR DI MEDIA SOSIAL X:
SIASATAN ADUAN PEKERJA PADA 2 FEBRUARI 2026**

Jabatan Tenaga Kerja Semenanjung Malaysia (JTKSM) telah menjalankan siasatan berhubung aduan pekerja yang melibatkan sebuah premis perniagaan pembekal barangan kulit di Sunway Carnival Mall, Seberang Jaya, Pulau Pinang.

JTKSM telah meneliti secara menyeluruh beberapa isu berkaitan hubungan pekerjaan, aspek kehadiran pekerja, pembayaran gaji dan komisen, tempoh masa rehat serta tahap pematuhan majikan terhadap peruntukan yang ditetapkan di bawah Akta Kerja 1955 bagi memastikan hak, kebajikan dan keselamatan pekerja sentiasa terpelihara selaras dengan perundangan yang dikuatkuasakan oleh JTKSM.

Hasil siasatan mendapati wujud pertikaian kewangan antara majikan dan pekerja berkaitan isu pembayaran gaji dan komisen. Sebutan kes ini sedang berada di bawah tindakan JTKSM di bawah prosiding kes buruh dan sebutan kes telah ditetapkan pada 26 Februari 2026. Kes akan dikendalikan mengikut tatacara yang telah ditetapkan bagi memastikan kepentingan serta hak semua pihak dilindungi secara adil, saksama dan berlandaskan undang-undang.

JTKSM menegaskan komitmen berterusan dalam menguatkuasakan undang-undang buruh, memperkukuh perlindungan kebajikan dan keselamatan pekerja serta memelihara keharmonian hubungan perusahaan. Justeru, JTKSM tidak akan bertolak ansur terhadap sebarang ketidakpatuhan atau pelanggaran undang-undang yang berpotensi menjejaskan hak dan kepentingan pekerja.

TAMAT

**Unit Komunikasi Korporat
5 Februari 2026**